



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 102. Cleri Gallicani epistola ad Alexandrum VII. Papam.

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

Sæc. XVII. stini. Non deerant tamen Janfenitis
A. C. 1656. consueta sua effugia.

§. CII.

Cleri Gallicani epistola ad Alexandrum VII. Papam.

*Deliberat.
 du Clerge
 p. 23. & 82.*

Facta hac declaratione generalis Congregatio Cleri Gallicani die secunda Septembris ad Alexandrum VII. Papam sequentes dedit literas:

Beatissime Pater!

„Non obscura sunt Divini Numinis
 „consilia, cur Beatitudinem Vestram
 „ad Episcopatus apicem, id est, ad
 „Apostolicæ Sedis Principatum, suffra-
 „gantibus omnium votis evexerit. In-
 „tererat quippe rei Christianæ, ut is
 „unitatem Ecclesiæ his difficillimis tem-
 „poribus regeret, qui pietate sua cæ-
 „leste præsidium fidelium gregi prome-
 „neri posset, atque prudentia sua,
 „ac constantia sua fluctus illos sa-
 „perare, quibus Petri navis, cujus
 „clavo feliciter tenendo admotus est,
 „atrociter concutitur. Nos sane, qui
 „a Christo Domino in partem sollici-
 „tudinis vocati sumus, ministerio no-
 „stro id egimus Superioribus annis a-
 „pud felicis memoriæ Innocentium X.
 „ut

„ut Constitutionem ederet, qua motus Sæc. XVII.
 „in Galliis excitati ob Jansenii Yprensis A. C. 1656.
 „quondam Episcopi doctrinam, certis
 „capitibus comprehensam, compesce-
 „rentur. Promulgatum a Gallicanis
 „Episcopis Decretum studiose amplexi
 „sunt fideles Populi, demptis paucis,
 „qui de Jansenii doctrina nihil consti-
 „tutum fuisse, palam cum simularent,
 „intimis animorum sensibus ex illius
 „damnatione urebantur. Horum Ca-
 „villationes sine mora comprimendas
 „rati, judicio suo decreverunt Reli-
 „giosissimi Episcopi, quinque Proposi-
 „tiones illas ad Jansenium pertinere,
 „ejusque opiniones fuisse proscriptas.
 „Quam suam Sententiam cum retulif-
 „sent ad eundem Pontificem Maximum,
 „illam humanissimis verbis non solum
 „probavit, sed auctoritatis Apostolicæ
 „pondere de integro confirmavit, Brevi
 „datō ad hunc Cleri Gallicani cœtum,
 „qui tunc propediem cogendus erat,
 „nisi moræ quædam obstitissent. Porro
 „dum Conventum egimus, primum no-
 „bis studium fuit tuendæ Religionis,
 „quam ab infestis Calvinianæ hæreseos
 „Sectatorum molitionibus vindicare cu-
 „ravimus, impetrato a Clementia Chri-
 „stianissimi nostri Regis edicto, quo ne-
 „farios illorum conatus repressum iri
 „nobis merito pollicemur. Priorem
 „curam

Sæc. XVII. „curam excepit alia illi Germana ob
 A.C. 1656. „erroris societatem de profliganda Jan-
 „seniana doctrina, Brevis Apostolici
 „Majestate, quod frequenti cætu legi,
 „promulgari, in acta redigi, omnino
 „que subscriptionibus muniri de-revi-
 „mus. Eadem sane mentis alacritate
 „illud suscepimus, qua Concilii Afri-
 „cani Patres ab ipsis expetitam Zozimi
 „Epistolam amplexi sunt, quæ Pelagi-
 „atque Cælestii errores, quos clancu-
 „lum propagabant, peremptorio De-
 „creto prostravit. Iisdem artibus gra-
 „vantur novæ sectæ Discipuli; ac præ-
 „terea ut a capitibus suis fulminis Apo-
 „stolici amoliantur ictum (licet obli-
 „vato animo quinque Propositiones
 „Jansenio iterum abjudicent) ad facti-
 „quæstionem, in qua Ecclesiam salu-
 „posse docent, controversiam deduce-
 „nituntur: Quas ingeniorum versutus
 „vera prudentique verborum comple-
 „xione infregit Breve Apostolicum
 „quod tricis illis Syllabarum ad uni-
 „versitates Scholarum disputationes rele-
 „gatis, decisionisque auctoritate ad je-
 „ris quæstionem restricta, doctrinam
 „Jansenii, quam opere suo illo expo-
 „nuit, in propositionum confixarum ma-
 „teria Pontificia Constitutione damna-
 „tam fuisse declarat. At enim ut se
 „damnationi subducant, celeberrimum
 „B. Au-

„B. Augustini nomen obtendunt, Sæc. XVII.
 „doctrinæ se profitentur esse sectatores: A. C. 1656.
 „repudiato etiam, si res eorum ita fe-
 „rant, ipso Jansenio. Hujus tamen
 „pravas & detortas, quas ad Doctoris
 „egregii locos adhibent, interpreta-
 „tiones amplectuntur, sicque Magistrum
 „illum optimum, a Cœlestino lauda-
 „tum, dum verbis colunt, adultero
 „sensu violant, quod a nobis adnotari
 „oportuit in actis de Brevis promul-
 „gatione confectis, ut eorum callidita-
 „tibus iretur obviam, quibus incauto-
 „rum & simplicium animis illudunt,
 „acsi Augustinum assererent ipsi, a cu-
 „jus tamen Sententia pertinaciter di-
 „scedunt, quæ per Constitutionem de
 „iis, quæ sunt Regulæ fidei adversa,
 „latam constabilita est; sicque in prio-
 „rem illam fulgurati Janseniani erroris
 „damnationem recidunt. Totam vide-
 „remur debellati hostis gloriam in De-
 „cessorem refudisse; nisi constaret orbi
 „Christiano, quis tunc fuisset particeps
 „curarum, & præcipuus rerum admi-
 „nister, quem Parens optimus ad lau-
 „dis ex hoc egregio facinore partæ
 „communione adscivisset. Decoris
 „istius pars maxima pertinet ad San-
 „ctitatem Vestram, quæ quidem cum
 „suis nunc auspiciis res Ecclesiæ uni-
 „versæ inexhausta sollicitudine gerat,
 „illud

Sæc. XVII. „illud augere perget mediata & ubere
 A. C. 1656. „riore, si opus sit, Catholici dogmatis
 „illustratione. Nos sane officio nostro
 „non deerimus, nec reliqui Episcopi,
 „quos Encyclica epistola monuimus de
 „rebus in hoc Conventu actis, deque
 „iis, quæ nobis gerenda videntur in
 „ Provinciis, ut Fideles omnes obse-
 „quio suo & usu Constitutionem
 „ment, pœnis alioquin a jure decreta-
 „adversus hæreticos Episcopali judicio
 „coercendi. Finita est causa Rescripti
 „Apostolicis, utinam finiatur & erro-
 „si licet verbis Augustini vota nostra
 „concipere, quorum compotes erimus
 „si Alexandri VII. Pontificis Maximi
 „Sanctitas juxta veterem ritum Divino
 „Numini illa consecraverit, a quo ve-
 „rissimam longævitatem Beatitudini Ve-
 „stræ studiosissime postulant, qui sunt
 „cum ea, qua par est, reverentia &
 „veneratione. „

Beatissime Pater!

*Obsequentissimi & devotissimi Filii
 Cardinales, Archiepiscopi, Episcopi,
 Ecclesiastici viri in Generalibus Cleri Gal-
 licani Comitibus congregati.*